

賜按察司銜候補道攝府事儀徵畢本恕仲

記

元

廬溪縣儒學記

張圖南

辰州四邑惟廬溪地隘聚岡突阜荒墟宿莽通望青烟
白屋出林杪行邑里間樵結相後先言嗚呼不可辨官
於茲者若難於政教然以儒稱者未嘗不談經訓知古
今事卽休言說服之流以知有父母昆弟之倫應會奉
約納賦輸相會不異於市民蓋人心稟自降衷者同也

辰州府志

卷四十一 藝文彙纂

一

十室之邑必有忠信況廬溪所治戶凡八百餘詎宜有
不同哉邑治西偏舊立屋三間爲學宮創始之歲莫詳
卑狹相略歲久圯腐且像制弗稱祀享莫虔至大二年
秋王君柔克來尹是邑慨然曰廟學若是其何以使民
興禮讓嚮德誼乎善政不如善教吾事殆不可緩遂擇
地於舊學西百步許明年夏創建有期矣適湖北廉訪
使毛公淵按部適來益用敦勉尹乃剡鑿定基掄材填
甃倡自已俸楮幣以至元計爲費二百木幾樂助者靡
主以中統計爲貫合五千有奇凡倡若助以鉅計合爲
中統一百餘又移贖所司得郡庠米八十石爲工食始

自...高道宏壯山大成聖人醫國公士哲以中州

工像之傲以魯廟時樞星崇應門東廡西廡更張其前

講誦有堂夾以旁室二齋對啓庖次廊如邑人聚觀咸

謂跨軼舊制遠落外區亦克敬慕嘆嗟遂召其子弟與

邑中頗學者規出矩入既越歲語言平順字畫楷莊小

試之功已有驗矣若其漸深積久時改月化不惟內民

瞻於道德外民亦將興於仁讓昔子游爲武城宰以學

道愛人爲政遂有絃歌之化厥後文翁用之其效隨著

誰謂治民者可以刑獄簿書之故而視學校爲細務耶

尹爲政廉介明敏視民如其家人所莅雖僻壤整治若

辰州府志

卷四十一 藝文彙纂

二

大邑所居木樹蕭然門階閑寂牒牘簡無日不至學
宮與士人語自經始迄告成事物估必時工值畢給身
自程督追尋乃歸故新學有成且猶思增廣繪飾規措
學田爲養士計尹之政如此信可爲宰百里者法矣時
邑學教訓廬陵羅子玉實效其勤以載成之既訓生徒
且勵役作凡有議論克與尹合亦可謂賢者圖南識尹
三十年相知甚深及來掾辰校於廬溪甚邇尹諱斯役
必予一言以識之辭既不獲乃爲紀其顛末以示邑人
尹字濟剛汴梁人

辰州火星祠碑記

學政武西

其來久矣按人文上人有五志五行而
星以應之夏火禮也觀也凡聖明御宇必鑑視其所在
星以應之虞氏之火正閼伯居商丘祀大火而以火紀時
焉蓋古之火正即火官也掌祭火星有火政漢立制於
辰州郡皆有之辰州爲郡僻在荒山厚居簡比
魯故之變朝夕隱憂延祐改元亞中大夫入同毛公伯
帖本兒總管是邦美化大行百廢具舉思求以營澤吾
民首修火政具緘街蓄塗潦儲卒徒儻可備大火者靡
不究心然天火之災何以彌之詢諸邦人咸以火祠未
立爲闕典顧瞻州治之左元妙觀之右隙地數畝歟土

辰州府志

卷四十一

藝文類

三

燥剛厥位面陽乃捐俸鳩材人懼趨之同寅協力梓匠
服勞不逾數月棟宇翬飛又考諸祭法國宗祭星也雩
宗祭水旱也山川能出雲爲風雨皆曰神能禦大菑捍
大患則皆祀之凡五嶽名山悉載祀典其神如水在地
中無往而不在也侯重念及此復創嶽廟於其前像而
肖之尸而祝之使民邀福有地繼今以往逆災接棟無
豈淺淺哉矧一善言而星退舍一叩頭而天返風感應
之機捷如影響邦人頌德不已且俾予叙其概予聞安
靜之吏惻惻無華無華者誠也侯以誠實待民以誠

格神廟安其靈民受其賜巍巍不朽之
爲無窮矣若戶戶漏網終一日必苛端有望於後之來
者延祐二年良月中翰學士左郎湖廣省提督學政武
內參記將仕郎辰州路總管府知事謝世賢承務郎辰
州路總管府判官馬合馬沙明威將軍同知辰州路總
管府事元魯迷失嘉議大夫辰州路總管府達魯花赤
兼管內勸農事小云失帖木兒安遠大將軍鎮守辰州
路毘陽萬戶府萬戶移刺四奴等立石總管毛亞中男
希先書學正呂宜之篆

盧溪備學地記

盧溪劉時懋

辰州府志

卷四十一

藝文類

四

占之善政善教何聞乎蠻貊之邦其得於民財得於民
心者要必有道盧溪爲邑於辰既僻且隘戶以百計合
蠻洞僅一千數百而止昔言五溪蠻雜處椎結之習
嗚呼之聲往往皆是然孩提之愛人倫之誼雖以異類
猶或不違是知性近習遠有不期然而然此善政善教
所以不可廢也壬順辛未秋時懋來宰茲邑即欲爲學
校延師取友木卒其事於酉春湖北廉使高公按治登
殿拜大成道誨堂進諸生欣然曰是邑雖小學宇高明
廡序嚴肅頗勝他所惜無以善何以育才適有爭館官
地一十七畝有奇遂命歸於學歲收其租稅以備祭養

母令有力者能斷而取之於是擇良家子弟赴學教之
養之邑實慕趙安富以其子率先是年冬新學富川焦
元吉偕訓導李以正相與朔望升堂課試其業人皆憤
排自強期於有成斯學雖舊更始一新凡潛深伏晦者
亦爲之鼓舞咸謂非廉使敦勸之勤勉勵之切何以主
此推其原委實前幕掾李讓與時慈開端於其先而備
生師續祖協贊規理歲收有日亦與有勞焉語曰顏子
單食瓢飲不改其樂使無簞瓢雖顏子或亦不得有其
樂矣然但以會計多寡相雄是又足爲學累也茲學所
入雖無幾不猶愈於屢空乎諸生飲食其間口惟三省
辰州府志 卷四十一 藝文纂 五

辰州府新息侯廟記

御史監湖廣銀場薛瑄

古有功蓋於一時者垂於後世養生民之祀於無窮者
豈非大丈夫抱非常之才識本之以忠誠行之以悠久
而有以通神明貴金石達古今而無間乎漢伏波將軍
馬公援天與魁奇器識宏邁當漢統中徵拜參議命之
曰乃遠迹邊陲混身田牧時人弗之識也其兄况謂

曰夫人不當晚成良士不示人以目前其所以好公亦嘗
曰夫夫爲志窮當益堅老當益壯公之志固已見
於此矣及其盡散財蓄志清時難邀遂隱獨擇所適從
知崛起草竊之徒皆醜秦富貴於一時不足計安生民
於萬世也遂謁光武於洛陽一見之頃印以慷慨大度
同符高祖稱之因委質臣事効忠職力以匡復漢室若
聚米之開示山川銅柱之威服殊俗皆公之奇謀偉績
其他蕩除賊靖維調贊翼之策尤多中興之功公無與
讓及天下底定爵待受封爵列五等榮寵極而公不
以是自後嘗奮不顧身志欲効死邊疆以盡臣節至武

辰州府志

卷四十一 藝文纂

六

陵郡蠻擾邊公遂請行兵至臨沅蠻即摧破師次壺頭
大功未就而公卒先是有以兵事聞於帝者時遣來監
軍之人素有恨於公而公已歿遂厚加譏誣以快其私
而意內之謗亦與焉嗚呼若公之所立卓偉奇特駕
世而橫驚挺百代而獨出猶不免巧夫之各言其詞
言議者又以不從充而從壺頭爲公失計夫曠日七
而費糧與捷徑出奇以致勝利當其明而公之慮審矣
設使如戎者之言從充而進又安能必保蠻寇之無
患乎是又不得爲公失計也夫公均始一節以入蠻
猶足以致其震懼來服若公之死當有他策以制

矣又豈云公者所能測哉夫其韜略自養散財濟難公
之大志也鄙斥奸豪獨歸眞主公之大識也奇謀勇略
光輔中興公之大功也不懷晏安以死勤事公之大節
也世之人臣四者有一焉猶足以名當時而垂竹帛公
乃兼而有之而又本之以忠誠積久之心其功益一時
名垂後世而血食無窮焉向之謗者風休電滅漠無踪
跡曾何損於公之忠賢哉今辰卽五溪故地距公歿垂
千年而野大女子猶知道公之威名在在有以祀公斯
又足以見忠義之感人心不以古今而有間也我朝大
秩聖神公廟之在辰者獨登祀典有司以時行事無敢
辰州府志 卷四十一 藝文纂 七

怠弛人有水旱疫癘則禱焉廟故有亭或以爲神出遊
之所址存而亭廢辰人合志興構並他屋宇門牆之弗
治者悉完理焉余少讀公傳嘗壯公之爲人及往來武
陵江中親見所謂壺頭山者壺頭距辰水行可一日至
彼亦有廟而修祀事於辰者便於人之瞻依云爾廟宇
既新余遂刪取公之大節錄之以詩曰

矯矯馬公惟志之偉志在功名氣不少萎登望老壯公
言則然懷奇蘊朴罕識其賢雲乎鬱鬱雷乎震震紫色
蜺蜺炎輝斯遠公晦於時爰牧爰蒞萬歲氛九縣鎮瞻安
之曰述曰贊狼貪水飽鄙不少留聿求漢道來觀眞主

應對流涕謂帝大度高祖則同遂委臣質遂効臣節
米封危州虜蕩越四方底平人懷安娛公不憂佚許國
以驅滔滔武陵羣蠢雜種梗化撓邊負險恃勇公曰茲
役老臣馳驅堅請於行秉節舒舒不驚不疾旣安且式
試兵臨沅蠻卽摧辟扼於壺頭匪公之尤天稍須假孰
測厥猷公雖歿志因則成事乃招乃來羣蠻無二云胡
巧大譏言朋興豈不暫翳事久滋明迄茲千載有顯愈
赫名徹聰聞功載史冊壺山之南辰江之畔公績如新
公廟維古逮我皇明祀典秩申行事以時委在守臣維
公忠精厥德不爽疫癘旱澇應求如響民感公惠次服
辰州府志 卷四十一 藝文纂 八

國章廟宇完構其敢廢荒乃圖永久乃磨良石我纂其
詞爲示無極

辰溪遊彈子洞記

述道 胡直 正甫 泰和

辰溪之乾溪北山有石洞豁然而深土人曰彈子洞或
曰昔名元靈洞凡乾溪之水咸趨洞陰伏而流者三十
里出銅馬潭合盧溪江而東子過而異之而未暇至也
是日往觀循步亂石間攀緣以上憩盤石上仰觀峭壁
有石如垂兩崖高峙如雙門水從中下雷吼輪轉鏗鏘
搖蕩石勢如動予坐對之不能遠去也久之復尋緣度
流而行始獲至洞洞高廣俱可數十丈其右又一小洞

竊點不測水流入則伏矣酌而飲之亦甚潔也當小
門有石橫負一小方石小 復負一巨石其上若然
荷又皆前房咸如人所置予欲更為久留則石無容
載下不可留也方未入時或言其穢或言無他奇既出
或奇其石或奇其水予曰噫予未遊於物之外也予惡
能分其淨穢而辨其奇不奇也予獨訝夫水之得其時
而不能用也今苗已槁矣旱已深矣不布之田野而伏
流于此為甚可惜也或曰楚水國也水之橫溢於江漢
洞庭間不率其職者數年矣則又不若茲洞之歛而懷
之之為愈也予曰若是則洞之淵蓄遠矣是不可不記
辰州府志 卷四十一 藝文集 九

重修惠政橋記

司知石 瓊 沅陵

惠政橋去辰郡城南五里許有溪名簡潭相傳漢伏波
將軍因射投矢於其間故名其說蓋無所考溪之水
夏泛漲澎湃洄湧過者莫能渡歷秦西歲居民艱
達龜泉造石橋以便行者幾二十年歲久為水所敗
民莫能修成化戊子冬郡守貴陽易侯奉命來專茲城
施政之餘首以橋梁為務先造浮橋 辰江明年春橋
成凡部內遠邇津渡可用舟楫者悉 捐編夫役以
給之其惠之所及者遠矣民目覩耳聞身歷而便之咸

感念興起體侯之心以為心於是相率謂曰簡潭後
有是政橋久廢未復蓋修之以副吾郡侯愛民初
上時郡人胡誠朱昱輩仗義捐貲命道士曹常於
橋上其財不一者募往來以助不逾月而橋之塲者
者完較於舊其堅固高爽過之既畢工僉曰宜書
以記歲月乃命工鐫石徵予言予生茲土嘗慨其
而弗修今侯以身先之而斯橋遂以巍然有成然則
十有好事者下必有其焉者不誠然乎哉後之守茲郡者
欲惠斯民可即此以鑒矣故書之以為記侯名貴字天

辰州府志

卷四十一

藝文集

十

重修沅陵縣學文廟記

湖廣 臬司馬 誠 浮梁

沅陵縣儒學舊在縣治西郊外非制也洪武丙辰縣丞
張子登奏徙城內即今學也據高爽而履寬平雙溪環
其前高阜枕其後地勢磅礴蜿蜒誠勝地也殿堂廡舍
庑廡以次皆具宣德間侍御河東薛公瑄東魯張公士
相繼持節來按是郡慨然以規制弗稱捐金餽工撤其
舊重新正殿大成門櫺星門已而太守利津王公英知
縣來問周增增益廣教諭泮池計派與王公謀以舊
基易內近地厥學前以達通衢而記則闕然今新安康
公芳來守是郡善政所乎廢者以起觀學尤加意焉

謂計君子同鄉友也求文以記之予不能文不足以書然泰總憲綱於湖湘凡長於興學育賢者皆所當旃矧茲之請豈可靳於言乎夫建學立師有賢圖治廟學所存卽聖人之靈與道之所存也師弟子由是門登是堂師之所以教弟子之所以學皆遵聖人之教樂聖人之道曰仁曰義曰禮曰智此聖人之所以盡厥性者曰孝曰弟曰忠曰信此聖道之所以敦叙彝倫者由是修己以治人明德以新民才猷所布與古人並駕齊驅斯不負聖世長育之仁諱君修學之意與聖道之所存若徒拘拘於章句之末專溺舉業以釣利祿行與心違名與

辰州府志

卷四十一

藝文纂

十一

易侯新治辰州郡署記

太常寺劉宣安成少卿

天下諸藩惟湖廣爲最大湖廣諸郡惟辰州爲最遠蓋其治在禹貢荊州之域槃瓠所居之地也秦漢而降風氣漸開列爲郡縣華人始雜居焉在漢爲武陵郡唐宋改爲辰州元始爲路至我朝則爲府府之公署建於國初時干戈甫定庶事草創故其規模卑陋材多朽樸歲久朽蛀欹斜莫能風雨成化己丑秋貴陽易君入爵出守是郡既至周視縣宇退而嘆曰公署如此上不足以

是役則爲重困吾民故至於此今歲豐人和可不協力以相成耶適僉都御史繁昌吳公與壁巡撫湖湘聞其事卽檄君修理君乃力爲營度得楠木千餘章其屬郡承順保靖二宜慰司西陽宣慰司暨兩江諸司感君之辰州府志

卷四十一

藝文纂

十一

化亦各以楠木百餘章來助君召匠計之尚未足也忽大雨溪流大漲深谷中巨木久伐而不能徙者悉湧而出直抵郡城人皆慶爲天助侯乃傾囊捐俸以供百需察佐與郡邑之尚義者亦各出粟帛以相資焉乃盡撤舊宇大而新之地之隘者闢而廣之基之卑者增而高之中爲正堂五間後爲穿堂三間深廣與正堂稱東西房各五間又其後爲後堂五間堂之後其地益下則石築土稍稱堂基建屋七間爲歲時致齋之所止堂之東爲經歷司西爲照磨所建六房東西相向各九間儀門一間莫非良材堅甃圖爲永久計也維始於辛卯

春二月落成於秋八月未半截而工成昔衛文公建宮
楚即營建宮室合於時制詩人作定之方中以美之其
皆曰星言風鶴祝于桑田秉心寒淵駭此三千說者以
爲文公始之勤于農桑終之治國富盛皆此心也一心
之寒淵則事無爲而不成今易君始則重困厥民不輕
舉事比歲豐人和一舉之而天人協應非君有以致之
時克爾耶工告畢郡人欲記諸石侯不能止也迺屬筆
于予予故詳道其事俾後之泄此邦者知君用心之勤
而不至於廢弛焉君名貴天爵其字也其先江右古水
人曾大父宦遊貴陽故爲貴陽人君舉景泰甲戌進士

辰州府志

卷四十一

藝文類

三

第拜職方主事改祠祭遷主客郎中以至今官云

楊劉溪通濟橋記

知縣李芳 盧溪

盧溪邑距東北二里有三台山山之西有避寇之城山
之下有漁隱之溪古昔楊劉二姓隱居其上因是得名
溪之水出於江瑩潔迴環深廣莫測其幽趣有可玩者
土人於溪之上嘗橫木爲橋以通往來或遇淫雨橋散
敗舟楫不便而官險以進者多致淹留宏治癸丑邑令
許公磨下車之初詢民間利害當興除者耆老以橋爲
言時政務紛紜未暇也迨丙辰孟夏歲稍豐給於是來
民力之隙令邑民張志讓張廷英同心協力鳩工伐石

募邑中士民輸將以助公自捐俸以勸始於舊橋之西
若干步出浮沙以定其基排巨石以實其底公於葺政
之暇殫其勤相之勤槁不日而完公遂以通濟名之蓋
深得乎古者徒杠輿梁之意非徒以誇功業矜創作也
爰鑿石屬予紀之以告後來者知作橋之如末云

淑浦科貢題名碑記

知縣彭瀛 淑浦

國朝太祖高皇帝迅掃腥膻平定海宇首崇文教建學
立師以育英才詔天下各道三歲一開科取士各府州
縣學限年各歲貢一人又於儒學立碑刊其名氏官爵
以垂列久遠故當時以科貢爲正途師保經綸於內郡

辰州府志

卷四十一

藝文類

古

吏旬宣於外悉於是乎出與茲選者顧不偉與淑浦自
洪武以來登科貢入仕版表政績者項背相輝然儒學
刊石題名之碑則未有也曠早遊泮泮銳志淬勵良用
自勵第恨偃蹇場屋志未伸成化庚子循例卒業成
均得與天下士講論以資見聞既而掄次銓曹濫膺民
牧之任每懷砥節礪名庶繼芳躅於前烈然昔之所勗
者猶切於懷蓋恐歲校月改竟致淪沒使先哲以科貢
顯者不聞於後則游學之士固無所感激而朝廷作養
之恩亦負巫陽公暇乃泐古泐工伐石鐫碑載歸鑒於
文廟門側偕文以紀其上標題以誌其下前列登科人

物而以歲貢次之備用年月名氏官爵於後庶游學於斯者得觀吾邑科貢人物之顯雲仍奕世之光亦將有所奮發興起此瀛立石題名之心也敢妄自誇大為身圖哉雖然淑為辰州名岳山毓水秀士沃民庶當必有豪傑之士鐘靈產異特出以光照前烈者則又磨石以俟宏治十二年彭瀛記

辰州崇正書院記

吏部尚書楊廷和新都人

宋初州縣之學未立一時賢士大夫倡為書院其名遂著我朝學校徧天下即縣有附於府者亦各自為學而鄉社之間往往絃誦相聞則書院之為教普矣辰州之

辰州府志

卷四十一 藝文集

五

有書院則自知府事婺源戴君敏始君起家進士歷官南戶部郎中正德庚午擢守辰州其為政以興教化正人心為首務府城外有潘祠一區久為豪家所據取下令毀而鬻之以其值市地城中創建書院其制前為重門中為文會堂左右為齋舍各三十餘楹後為祠十六楹以祀濂溪二程橫渠晦翁南軒諸賢後又為寶經堂統名崇正書院既成君乃率諸生釋菜以落之復擇其秀異者肄業其中是役也以辛未八月興事時參政安福劉君挺副使長寧侯君啓忠按部適至聞而是之力贊其成又明年二月乃訖工董其役者吏中書紳之父

封君舒潘進士棠之父汰皆郡人也

修建郡城記

副使王世隆辰州人

辰州據楚上游當西南孔道外扼承順保靖綏洞內為武陵荆襄障蔽山多地險形勢扼塞捍阻外內視諸郡為最要郡城舊制卑隘上覆以屋數燬於火延燒官民廬舍常數千家自宏治戊申以及嘉靖丁未數燬而然蓋城創於勝國人烟疎少因陋就簡外甃浮石中實以土屋覆之歲久疎漏風雨侵之以故善廟且覆屋材久既朽且燬遇火輒殃及內外燬燼無遺頻年修理皆費不足卒不能護更也歲戊申守道龍泉王公崇始毅然

辰州府志

卷四十一 藝文集

六

修之又以大樓飛角必致火乃四面俱用磚甃垂成而公以憂去時克苗寇石阡聲播辰沅郡人洶洶震恐分守道鏡峰陶公欽憂在沅聞變倍道越辰偕郡守吾溪徐公楚晝夜臨城躬率士卒具畚耨凡三月而城成居民恃以無恐新完闕之亦寢其謀而徐公又以城北之東西一隅未甃非萬全計恐民力弗堪乃自於大吏估計丈尺擬以三臺漸次修理民不勞而事集與易所謂設險守國記所謂城廓溝池禦大災而捍大患者也當是時大中丞竹墟屠公貞所為公相繼總制楚南皆能處置經畧動中機宜招徠撫綏表用材後縣尉

難言簡節 疎日以治於上而陶徐諸公復相繼稱於其
職以培辰 況之勢道德爲藩籬禮義爲干盾即無城亦
自保其無虞况又建城以爲之備宜辰人之交慶也是
役也郡二守雲川高公對通守東浦陳公是柳溪呂公
孟信崇德呂公與九陵邑侯胡瀆高公昇皆通敏幹濟
夙夜匪懈 與有勞焉不可沒也若守備何君清王君夢
麟指揮杜君繼相千戶鍾良等先後左右茲役以觀其
成法得書焉嘉靖三十年辛亥月日記

重修伏波祠記

王世隆 詳前

辰州府志

卷四十一

藝文類

七

伏波將軍辰郡故有祠在壺頭山蓋昔將軍南征屯兵
處也將軍卒於軍後人祀之壺頭山禮也本朝主簿傅
翔以水潦不時議改今祠從民便也嘉靖丁酉廟燬於
火戊戌沅陵縣尹胡侯晟出餼金百兩修堂既成
已亥郡守吳侯嘉祥始下車覽觀庭廡慨然興思將復
修焉會天子南狩歲連大穀侯曰夫神依人而立者也
故聖王先成民而後致力於神其道一也今歲荒民貧
且大功力與征役未息吾率先爲此其無乃非神意乎
乃與民休息減賦十之二期年而歲大稔民有以芝
草白鼠祥上者侯曰歲豐民安神之方歟於是拓地
址庀工材屬父老董其役若星若庶若庭若垣宇觀

昔有祠以十月朔一日落成通郡承將侯詔始至爲
厥終吳侯乃借寮舍及鄉士大夫樂饗成世隆亦與
觴其中神人胥悅樂融融也夫鬼神非人實親惟德是
依假如野荒民散刑政頗偏雖祝史誣詞以薦神將吐
之矣今侯政成於民德孚於神人謀叶從歲事滋豐其
與茲役固宜而況伏波大節載在信史足以風厲萬世
者乎侯嘗言辰郡僻在萬山民無平田沃壤以爲業歲
厄於水旱而近時議者乃令照江南以田糧起差辰之
田果足與江南比乎且地近溪洞羣蠻蠶食浸淫乎將
剝膚矣鄰郡諸宗藩民校糧賦皆取給而無厭者更覲
辰州府志 卷四十一 藝文類 六

重修武安王廟記

王世隆 詳前

辰州衛演武場舊有漢前將軍義勇武安王廟故事勿
歲孟春則主帥偕僚屬以特牲祀於廟始閱武焉至仲
夏十有一日則自將吏以下至於士庶皆醵錢爲會以
祀上蓋俗相傳爲王誕辰云王嘗以先王命督荆州諸
軍事辰沅武陵地固所蒞也餘波實霜霜之大王之精
忠大節貫日月塞天地爲萬古所僅有遐邇景慕罔不
敬畏况辰人舊在藩藩中者乎祀之宜也廟建在國初
歲久傾圯嘉靖丁未令僉憲明嚴張公以鎮守之役視
師於辰大閱武焉先是公夢神人有介而謁者至是謁
王廟視其像與夢中所見不殊乃命邑侯潘君璋修葺
辰州府志 卷四十一 藝文集 五

之指揮馬君天祥實董其事公乃出師躬擐甲胄政履
山川在蠻地幾一年經畧處置動中機宜直抵賊巢斬
酋首千級餘黨奔北乞降乃始撫綏分比地方以寧迄
班師則廟工完矣乃大饗祀於堂屬余誌其事於石公
名景賢字勉之號明嚴四川眉州人舉嘉靖戊午進士
以江防僉泉攝湖北道

重建護國水府廟記

知府 袁鳳鳴 時瑞

護國之廟享於吾辰其神爲黃元仙聖夫人大婦也神
以孝稱自隋末及唐宋元蓋已有之事見 統志累代
褒勅我朝因而祀焉舊廟在城西里許臨流雜市正德

六年太守戴公敏厥其誼諱與同知鄧公琦等謀欲徙
焉命知縣賈公文翰卜地於虎路山之陽戴公偕僚屬
與鄉宦黃門潘公員外董公僉憲賈公翰林史公成之
妥神祀像令居民時奠焉凡水旱疾疫有求必應任民
使也經今三十餘年矣今春三月朔郡守吳公嘉祥偕
僚屬往謁既而嘆曰廟占美瓦楹危朽安可弗修遂捐
金爲倡命耆民劉仕富吳經等重修焉民有樂助者聽
於是百工趨事庶民子來暨端陽而廟煥然新矣鄉大
大都憲侯公少參周公僉憲董公副憲王公御史胡公
武陟尹公衛指揮使馬公王公吳公都閩潘公芮公
辰州府志 卷四十一 藝文集 五

尤公傅公楊公羣至其地而鳳鳴亦次其間相與祀神
落成而舉觴以屬太守曰護國之廟足以旌孝子也伏
波之廟足以著忠臣也地近諸夷而忠孝二廟備焉足
以勵風化也民其有不興者乎是不可不記也鳳鳴於
是乎記崇嘉靖十九年

虎路書院修道堂記

修撰 羅洪先

陽明先生謫麓場召而歸也道辰州留虎路上猶徘徊
詩久之乃去後三十年門人餘姚徐君汝佩爲郡倅履
道跡悲焉即虎路之後爲精舍作堂其中名以修道復
因郡人黃君伯完作余郡委記於余余効蒙水及先生

門然謂其學以良知爲主良知者吾心是是耳非昭然
而不可欺也是知也清虛而通人而理樂而生此天
之與我乃道體也由是致焉以至於順適而無有乎內
疚則道修而復矣學者聞其易從也於是談者靡不充
然乃先生自叙曰自吾居常處困也而后增所不能竊
嘗疑之謂良知不昧矣其有能不能者則又何也已而
出入患難之中稍覺焉非先生不能爲是言矣夫欲之
於道非相遠也即吾所指以爲順適有不出於天所與
者是也懲創之弗力更涉之弗至則察識之弗精遠而
言順適皆欲之滋萌長養之候也吾方欲之滋萌長養

辰州府志

卷四十一

藝文類

主

又將從而致道如之何可也先生之被謫也去鄉土數
千里無親戚之問土人不陶塲居無所於托饑寒暴露
之矣又虞瘴癘之侵當是時即使椎黠而者日夕擲
掄而訕侮之固不暇與校嗚呼人之自奉其身何哉而
若此也甘之有不能去之有不可亦不得不隱忍而安
便之平日滋萌長養之物地易而時出根連而叢集隙
伺而機變益至是不待捐棄決裂之而已無所存所據
以爲道體者滋養荒忽不可得而揣致矣於是汚辱清
之以出其清震撼撓之以出其虛駭疑懼之以出其通
鬱迫隘之以出其大勞錯干之以出其理點慘重之以

出其難折挫頓之以出其生生而先生之學始名於
天下然後知同之死之者乃所以生之者也嗚呼今之
士生於今日體所依有能非薄而不恤交際尚自能
翰騰而不競心志所安有能寂寞而不怨與致所極有
能坎陷而不畏者乎然猶挾見聞之餘習執熹炙之故
態曰道在是道在是吾見其遠於先生也徐君事先生
最久自居夷所得片言皆錄而傳之豈獨無意於斯乎
先生之在辰也冀君惟乾師事之得有所聞成其學其
行事郡人所知也夫人之困也不獨居夷有之則後之
來游者可以升斯堂矣

辰州府志

卷四十一

藝文類

主

遊靈田洞記

太僕

李

樂

和仲

庚戌之春余偕諸子弟浮舟自鹿泉洞而下過辛女巖
數里許見石門隱隱懸列山半勃然心動訊之舟人云
水有遊者余遂泊舟披荆剪萊迤邐盤旋始克入洞洞
中虛曠可容數百人憩坐其間仰觀洞上石光澤如鏡
五色燦爛懸崑倚壁如蓮花如巨人如童子如鐘如磬
參錯雜陳獅蹲象立龜息蛇蟄姿奇態不可窮盡石
隙流泉進出細如髮視之不見凝注良久始見其淵淵
不窮挹而酌之甘香可人人洞清深乃命從者張炬石
洞聲益清奇可愛徑入有二石門並峙門外石柱插

天開立刻削智巧良工莫施蓋亦天下奇觀也噫自吾之生五十二年矣凡山經所載崑石洞府之奇過者必遊聞者必慕此洞出吾邑數舍地耳顧秘而不揚久而無有知者遲之至今而乃得之使吾春不遊遊矣祇信舟人之指顧而不及此則負此洞不其多哉則天下名山人跡所不到奇峰靈壑其等於培塿者又豈少乎哉相與嘆息久之日入高春瞻同依戀不忍舍去夫洞不數丈爲千邱田人所知者此洞底平坦高下相次亦若田然予因名其洞爲壘田洞而千邱田爲下洞云

南將軍祠記

南將軍祠記
楊再喬

辰州府志

卷四十一 藝文集

五

距淑浦城二十里許曰五都巖壘田舊有祠祀榮祿大夫黑神相公不知所自亦不知誰氏俗傳爲唐南齊雲未可知也其曰榮祿大夫曰相公是必受封爵登顯仕有功德於當世而垂不朽者顧自有祠以來年代遼邈人之崇信尊奉無異一日疾病必禱水旱必祈商賈營運於四方禱而後行郡邑之討叛動衆有事於祠而後出皆有威即應動如其願非神之精靈尚存能感應如響若斯耶然則以爲南公霽雲者殆其人也夫修短隨化有形必毀惟忠義之氣則死而不亡當嶽山之亂漁陽鼙鼓一動而大河以北無堅城其死鋒刃者不可殫

數雖勝爲江淮咽喉地時無張許借諸將固守而保障之職其得騁而南則無江淮矣無江淮則荆楚皆淪胥民將無遺類然則江淮以南幸得保全者皆賴其功也方其城守日久望援不至南公乞師於賀蘭斷一指以示進勇一生皆驚此與秦庭之哭何異及城陷卒以身殉其忠也如此精神之所存又何間於存亡久近哉淑浦故淮南地祠以祀之禮也祠久幾頽嘉靖甲子邑尉東洲李君日初慨然脩而新之以引祀弗替亦禮也故記之

宏遠橋記

宏遠橋記
楊仲嵩

辰州府志

卷四十一 藝文集

五

盧溪邑治西三里許有古迤溪發源高山衆壩所匯當邑孔道每春夏雨集水深泥淖往來者恒苦之或水溢行者必取道山麓攀援險阻民之病涉也久矣隆慶初鄉耆楊同轅李廷桂數輩始謀創石梁捐貲及地畝日興事經始於是歲之夏訖工於戊辰之冬父老具其顛末索余言夫古者辰角見而雨畢則除道天根見而水涸則成梁川梁達道之修固爲政之急務也諸耆彥先我而創之豈獨盧溪民之利哉亦有以紓牧民者之憂也橋下爲空園上覆以亭旁翼以欄欄行者既去險而就坦且得避風雨而止宿焉其利濟豈可量乎雖然木

有時而朽石有時而動是橋與亭難必其恒存而無虞也
也而南草之何來勿壞則又不能不望夫後之人

當仁堂記

兵部同 洪子曉

辰郡城西數百步有虎谿山山有亭有軒有樓有閣其
櫺窗整飾而歸然中立者則陽明王先生祠也隆慶庚
午顯宗鄒公善奉命來鎮湖北詣祠謁之將思所以倡
明先生之遺教而四方志學之士日彬彬焉集郡守錦
泉徐侯廷綬慮其無以容也謀為增置講堂六楹翼以
號舍繚以垣堵而虎谿山秩然改觀矣堂既成因請名
於公公命之曰當仁侯曰然其教諸士以同仁之學乎
辰州府志 卷四十一 藝文纂 圭
可以風矣

盧溪縣新建縣治碑記

僉事 曲入繩 于約

值非常之變必待非常之才以成非常之績其事若相
待而然盧溪為辰屬邑當郡上流地濱兩江時有水患
然易盈易平民以為常比隆慶辛未夏五月淫雨旬日
洪水暴漲自縣治廨宇以及公館驛傳湯折無遺焉居
民存者僅十之三 四蓋自設縣以來所未有之變也有
司以聞天子特與賑恤時邑令久艱其遷改歲歲盧王
公以名進士令同安忤權貴聽調於銓部領學自盧雖
小邑下民皆望匪王令易克有濟哉特簡以聞天子允

之公拜命欣然就道比至楚自大吏以及郡長貳無不
為盧邑得人慶也公抵任無所憇息乃就梵剎登見吏
民晉邑文學暨諸大夫而始謀焉首相舊治皆歛圻荒
墟沙石沮洳公嘆曰是衆水之衝也邑可弗改哉于是
望高岡覽形勝周環四顧惟城隍廟址地勢高堅土脈
隆厚負陰而抱陽處亢而臨下大江東注小江如帶環
抱於其前公曰舍此何適哉請之道府咸是其議諏日
告神而營度之時邑幕奔走趨事忽病急人心惑焉公
曰有縣斯有神也縣治弗定神將何依神如降禍我其
當之哉既徙居民民咸重遷公曰設縣以為民也縣治

辰州府志

卷四十一 藝文纂

圭

弗利民將何庇民如矢所我其任之哉毅然行之不震
不動辨方正位損高增卑相土之中為蒞事之堂左右
翼以儀仗廣儲二庫前為抱廳後為穿堂堂之東為令
解西為幕廳後為幕廨堂前東西為兩廊前為儀門門
之左偏為賓館右偏為獄又前為鼓樓狀如城闕左為
旌善右為申明亭榭厨舍各規所宜繇若干楹繚以垣
墉凡若干丈負山面江高明爽塏巨材良藝翬如煥如
邑人聚觀咸謂自設縣以來所未有之績也其費則自
公帑外聽民仗義及贖錢以助經始於壬申閏二月落
成於秋七月既乃以舊縣立城隍祠以其餘地給民之

登不者上下既各得其大而後見與聞者莫不嘆公
之不可及矣方是時年病自好重違當事者莫不
阻之惟公前知其當然事至不懼而徐爲之圖是以得
至於成功而羣情始焉疑者終焉帖服蓋由公府質清
才充養有素故居常值變順應而成向使令同安逐時
好優遊遷轉廬邑之昏墊既莫與拯之而公之才與福
亦無由著故曰事若相待而然公諱京號成廬江西瑞
州府上高縣人戊辰科進士至委用之役工料之詳悉
附於碑陰不贅

廬溪縣新建儒學記

湖北楊栢商邱

辰州府志

卷四十一

藝文

七

廬溪之學舊矣間藉往牒以名登解額者若干人第進
士者若干人例貢者又若干人中所堅立亦自不少自
嘉靖辛卯來士益充斥而鄉書禮籍寥寥數十牘無聞
焉論者委於何址弗吉持議改作弗果隆慶辛未值邑
有水滂之厄邑治學宮蕩洗幾盡明年王君以名進士
改茲邑下車首建縣治閱歲工乃告成於是文學晏若
燧率其子弟楊梅等來請若曰邑作而民胥賴矣如士
類何君聞之惕焉搜覆故牘會計議金僅支十一二又
帑乏不可請益躬爲節約錄積縹緲爲士民倡士民之
好義者亦咸樂助焉於是擇吉首事視故址稍異歲歲

大比邑方有事揀選而督工典史唐某元體君之心協
贊世寢殿方度而石子秋捷之報至矣人人協應士
民應之曰廬其昌乎非王公孰成之於是益相戮力閱
四年甲戌棟楠簷楹以竣黜聖煥然改觀先師廟位
明倫堂位右堂之西爲啓聖祠東爲鄉賢祠官廟兩廡
及大成門櫺星門神庫庖廩公廨私署靡不畢備觀者
謂可與郡學等士之登堂者莫不發舒志意宜洩精華
雲蒸雷奮視向之卑陋敝泯無所依士失其業者奚
首星淵哉是知學之壞於水滂非以厲民而文運轉由
是而起矧君文章政事藉藉一時章縫之士得君爲之

辰州府志

卷四十一

藝文

七

說禮樂課經術其興起詎有限哉雖然文運之興在天
新文運者在有司而因其新而共新之則又在爾多士
多士乎尚其磨濯身心檢制視聽履中正不以非僻自
汚樂和平不以濫穢自繁正之六經游之六藝不以章
句聲利自滿尤榮勃興勲業表著庶幾乎豪傑傑儒之
上而茲學之創與王君再造之心自歷萬禩而猶光矣
若恣肆洩瀉等於庸衆徒欲希有司之膏潤冀造化之
栽培豈惟於事無當即學校名義將謂之何又余與王
君之所共憂者也王君召京字來觀別號成廬江西上
高人登戊辰進士仕余以御史舉君於甲子鄉籍今以

原揭湖北事得按茲邑而加昌讀之有成也遂爲之記

辰縣奉公名宦祠記

丁應泰

辰縣小邑也夷獠錯居巴渝同風山谷之間頗雜犵狫
以耕火種信於鬼而溺於祠匪易治矣嘉靖二十四年
無錫奉公准用文學起家來蒞茲邑澤以洽德平屬以
矩招撫流移搜剔奸弊民懷吏畏什涵祠斥邪教而尤
推意作人捐俸五萬錢改築賢宮主類恭蒸爭奮跡於
賢科皆公之功也公以老乞休去今數十年而辰人心
懷之不諼於是行司爲言於督學使者得如令甲附公
主於邑名宦祠而後公之名芳於蘭芷曜於日星公之

辰州府志

卷四十一

藝文類

記

澤長流於溪沉洞庭之間而辰陽之所以報公者亦庶
乎歌歸來於千百禩矣予稽古循吏最有聲建武初者
多推宋均均始固爲辰陽長矣蔚宗稱之不過曰其俗
少學者信巫鬼均爲立學校禁絕淫祠人皆安之今以
公所厝施與廢與均度長繫大豈不在伯仲間哉均究
其用成驅虎散蠱之勲致位卿輔公雖以邑令終未竟
厥施而今大中丞舜峰公實公家孫履仁汪澤瀾氏三
湖則是公祖孫先後有隆施於辰是豈宋均又孰多也
語曰高山仰止景行行止身雖不能至心竊向往之故
爲叙述其政事之畧以志景仰之意且使異日傳頌中

者得以有考焉

新建五寨城記

山西劉 泉 漢南

湖廣古荆楚之域其西爲辰沅上連川貴環數百里崇
山深谿諸夷盤錯蓋古夜郎槃瓠之區也宋元以降叛
服不常明興高皇帝遣三將軍率師三十萬平荆蠻下
黔中天戈所指獻寶納土遂錄其酋長世撫之於辰沅
境內設承順保 一宜慰司五寨軍于坪爲長官司後
鎮草苗復叛其長寨苗帖險宣德正德間屢勦王師乃
漸設哨堡更設都指揮守備於乾州而邊方日多事矣
今上二十一年壬寅苗攻麻陽用廷議遣御史中丞進

辰州府志

卷四十一

藝文類

記

賢萬公鏗勘治之疏請設泰將於麻陽分守鎮竿及貴
州之銅仁戊申苗益亂攻三省沿邊諸城上復用廷議
遣御史大夫惠安張公岳總督軍務開府沅州復疏請
增設泰將於銅仁而麻陽仍專守鎮竿如故凡代者既
四未有議及移鎮建城者今督府御史大夫慈谿馮公
岳節鉞聿臨嚆咨經畧於是中軍泰將李君英議以鎮
竿泰將偏處麻陽不若移鎮五寨長官司可以東控鎮
竿乾州西援貴之銅平南并辰沅諸郡縣二麻陽自在
腹心扼吭拊背左右犄角於調度 宜爲便而修城保
障亦不可緩下兵巡會憲于君 誠以克合乃列疏請

鎮巡諸公請於上可之更賜參將孫君賢以聖書而事
任爲益重初五寨有土城卑隘甚至提督南下史守備
淮昌通判與相畫城事垣墉堞堦以磚石四門建樓
覆中屋爲守舍五百餘間約費帑金五百七十兩有奇
議既上督府下藩司取省中羨緒昇孫君督成其事凡
工匠僦諸傭役夫取諸戎卒木石伐於山餽饒延於陶
灰堊幾於泔始於丙辰仲春及丁巳仲夏而工成垣墉
高厚埤堦樓櫓巍然完整內壯節鎮外聳瞻望其爲辰
沅兵民之利豈小焉已哉夫春秋之義城築必書而易
戒覆墮書稱勤墉城謝城韓城朔詩人彙著之於詠歌

辰州府志

卷四十一 藝文纂

三

夫固以帝王之所以安夏攘夷必致之道也惟督府馮
公許謨遠猷國史所必載而鎮將孫君經畫創置功亦
章章乎著矣是宜有紀也乃磐石爲碑徵記於臬爰序
列其顛末用詔來者時五寨司長官田興邦咸與斯役
法當備書嘉靖丁巳季秋記

五寨司新建參將戎署碑記

劉 臬

詳前

皇明統一海宇建置武臣材勇布列惟總兵參將爲重
故湖廣總兵官每以勲臣佩印出鎮其靖州清浪參將
分地防守由來舊矣而鎮軍之移設參將則自今始也
蓋辰沅居湖北上游苗夷巢穴帖險黨亂屢爲邊患止

德癸酉征鎮軍苗平始設守備於乾州迨嘉靖癸卯苗
復肆亂始增設參將於麻陽而經制猶未定也甲寅夏
今總督御史大夫貞所爲公節鉞率臨籌茲邊務得中
軍參將月洲李君英議移麻陽參將於五寨司下兵巡
愈慮東石于君錦商略既協上可之賜參將
石溪孫君賢已蒞任五年矣上更賜聖書與之事權若
鎮軍九水各守備常德辰州沅州九谿永定施州各衛
永順保靖各宜慰施南散毛忠建容美各宜撫草子坪
五寨各長官司咸聽節制焉其建牙駐節宜有公宇下
辰州通判呂君煥麻陽知縣吳君福基相度議報凡木

辰州府志

卷四十一 藝文纂

三

石壁饒頗彩工饒之需擬帑金三百八十兩有奇收取
諸藩省羨緒昇石溪營之乃擇地定址庀材備工量費
節力始事於丙辰之孟冬成功於丁巳之仲春爲綽楔
爲屏牆爲大門儀門各三間前後堂各五間穿堂三間
爲庖廂爲賓次爲棧房爲輿從房爲鼓亭爲官屬候舍
內外三十餘間高閣崇墉體勢軒昂丹雘藻麗侑焉
焉他鎮所未有也石溪以事貴創始予又記之予嘗
觀易大壯之象曰雷在天上而棟宇之 以之及詩
方叔則曰如雷如雷雷來威今石溪以勲征伐提
開府所以運籌制勝安邊禦侮者皆於是乎在矣其

易與詩之義不均有似之乎且一覽孫子書其尚謀而後攻修道而保法戰守攻圍之術利敵用間之謀千百世不莫不奉為矩矱是固石溪家法也宜石溪之能挺然樹立如此嘉靖三十六年丁巳春三月前進士嘉議大夫都察院右副都御史奉勅提督鴈門關巡撫山西漢南五泉劉臬書

懷遠樓記

知縣石珮

盧溪當辰州西徼而臘爾悍苗又當盧溪之西語險要者莫不以西為最而邑無城郭相傳舊有樓當其西曰嘉靖中義旗搗穴鉤鋒灌燹迄今無事蓋恃有此也然

辰州府志

卷四十一 藝文纂

七

杲鳴不鳴豺狼不噬詎能保其常然乎則父母斯民者其能無意於懷來耶萬歷庚辰蘭谿敬菴吳公一本由南古進士來宰吾邑甫視事問俗於父老知西為要而舊樓基已壞懼驟作而妨吾民故緩之迨壬午孟冬政成時暇始捐俸儲材復樓於西北之隅越五月而落成是樓也非有風櫺月牖之麗非為遊雲芳草之嬉制度嚴密足以固關鍵而無撫蠻緝逆為懷遠云夫有遠人之患而無其防有防遠之具而無其本此世之所以難於治也今公之所謂懷遠則未嘗離近以為懷也懷在土類而學校先與興之懷在里役而科糧先與清之

懷在孤苦而戶口先與營之怨已量物不忽微細如良醫視疾五臟之癥結已解民同帖帖在公懷保中久矣然役卒既懷之眾為遠人之國民亦公之心為安民也故子來趨事而莫知其勞昔者良教化行即虎可渡雉可馴況遠人血氣心知之欲與吾人不殊獨不可以懷綏耶公其大有造於茲邑也今公政已報最聲聞湖楚之濱久且將以懷遠者為天下社稷蒼生懷時珮制方踰禱公謂其可與言也故董事大使錢君舜津相與謀而屬之以記將書之樓隅而告之後人焉

均平盧溪戶口記

盧溪吳一本

辰州府志

卷四十一 藝文纂

七

盧溪國初所治地五十有八里辰州望邑也尋以苗叛開司置所分屯列營俾相防守所存者一十二里而已而一十二里之中又分案民二里為漢民編役者僅十里考會冊里役十年一輪所謂正役也徭役三年一輪所謂雜役也周制力役之征唐制有身則有庸者是也其編役以田米為主而又以人一丁折米一石較之是名曰力役之征而粟米之征殆三之一矣嗣後丁糧消耗歲役不敷正役十里品為四里不已重乎且編糧之外復加派日新諸費是正役又兼雜役也雜役五年併為三年不已勞乎且丁糧一丁一石編銀一兩四